



Gweminar Ar-lein Ymgyrch Jasmine

WYTHNOS GENEDLAETHOL DIOGELU 2022

MEWN CYDWEITHREDIAD Â'R BWRDD PART- NERIAETH RHANBARTHOL

Bydd y weminar ranbarthol hon yn rhoi trosolwg i gyfranogwyr o'r themâu a negeseuon allweddol a ddeilliodd o 'Chwilio am atebolrwydd: Adolygiad o esgeulustod pobl hŷn a oedd yn byw mewn cartrefi gofal a ymchwiliwyd fel Ymgyrch Jasmine', yn ogystal â safbwynt rheoleiddwyr gan Arolygiaeth Gofal Cymru (AGC) a safbwynt iechyd lleol, a bydd yn cynnwys mewnbwn gan aelod teulu yr effeithiwyd yn uniongyrchol arno gan y digwyddiadau sy'n gysylltiedig ag Ymgyrch Jasmine.

SEMINAR FYW AR MICROSOFT TEAMS

Dydd Mawrth 15 Tachwedd 2022, 2pm i 4pm

Dyddiad cau ar gyfer ceisiadau: Dydd Llun 7 Tachwedd 2022

CADWCH EICH LLE YMA



Gweminar Ar-lein Ymgyrch Jasmine

WYTHNOS GENEDLAETHOL DIOGELU 2022

Hwyluswyr:

Margaret Flynn — Comisiynwyd Margaret Flynn gan Brif Weinidog Cymru i adolygu'r digwyddiadau sy'n gysylltiedig ag Ymgyrch Jasmine yn 'Chwilio am atebolrwydd: Adolygiad o esgeulustod pobl hŷn a oedd yn byw mewn cartrefi gofal a ymchwiliwyd fel Ymgyrch Jasmine', a gyhoeddwyd gan Lywodraeth Cymru yn 2015. Hi oedd cadeirydd cyntaf y Bwrdd Diogelu Annibynnol Cenedlaethol. Mae'n gyfarwyddwr Pobl yn Gyntaf Cymru Gyfan ac yn un o olygyddion The Journal of Adult Protection. Yn 2021, cynhaliodd Margaret adolygiad yn Ysbyty Cawston Park yn Norfolk. Yn gynharach eleni, daeth yn gadeirydd y Fforwm Galluedd Meddyliol Cenedlaethol yng Nghymru a Lloegr.

Margaret Rooney — Margaret Rooney yw Dirprwy Brif Arolygydd Arolygiaeth Gofal Cymru (AGC). Ymunodd Margaret ag AGC yn 2013, ac mae wedi cyflawni sawl rôl, gan gynnwys Cyfarwyddwr Rhanbarthol, arwain ar weithredu Deddf Rheoleiddio ac Arolygu Gofal Cymdeithasol (Cymru) 2016, a Phennaeth Cofrestru a Gorfodi. Bu'n cynrychioli AGC yn y cwestau i farwolaethau saith o bobl yn gysylltiedig ag Ymgyrch Jasmine. Symudodd Margaret i Gymru yn 2002, lle bu'n gweithio ym maes gwasanaethau plant yng Nghyngor Bwrdeistref Sirol Blaenau Gwent. Bu'n gweithio wedyn ym maes cyfiawnder ieuencid fel Pennaeth Gwella Perfformiad ar Fwrdd Cyfiawnder Ieuencid Cymru a Lloegr.

Gwesteion y Panel:

Jill Patterson - Cyfarwyddwr Gofal Sylfaenol, Cymunedol a Hirdymor, Bwrdd Iechyd Prifysgol Hywel Dda.

Claire Aston - Mae Claire yn arbenigwr mewn gofal hirdymor a manylion cymhlethdodau iechyd a gofal cymdeithasol oedolion. Mae newydd ymddeol o'r GIG, lle bu ganddi amrywiaeth o rolau uwch iawn fel nyrs a rheolwr gyda 40 mlynedd o brofiad, yn gweithio yng Nghymru a Lloegr. Ym mis Mawrth 2021, rhoddodd Claire dystiolaeth yn y cwest i farwolaethau sy'n gysylltiedig ag Ymgyrch Jasmine, mewn perthynas â mesurau diogelu ac arferion presennol wrth gomisiynu gofal.

Lorraine Brannan Mae Lorraine Brannan yn aelod uniongyrchol o deulu un o'r dioddefwyr sy'n gysylltiedig ag Ymgyrch Jasmine a bydd yn rhannu ei phrofiadau gyda chyfranogwyr ac yn rhan o'r panel.

CYNULLEIDFA DARGED

GWEITHWYR
CYMDEITHASOL

GWAITH CYMDEITHASOL

COMISIYNWYR

SWYDDOGION YR
HEDDLU

GWEITHWYR IECHYD
PROFFESIYNOL

RHEOLWYR CAR-
TREFI GOFAL A

BYRDDAU PARTNERI-
AETH RHANBARTHOL

SEFYDLIADAU PERTHNA-
SOL O'R TRYDYDD SECTOR